

汉魏丛书

汉魏丛书

易林卷三

咸之第三十一

咸 雌單獨居。歸其本巢。毛羽憔悴。志如死灰。

乾 小窻多明。道里利通。仁賢君子。國安不僵。

坤 心惡來恠。衝衝何懼。顏淵子騫。尼父聖誨。

屯 烏鳴呼子。哺以酒脯。高棲水起。來歸其母。

蒙 國馬比角。陰孽萌作。變易常服。君失于宅。

需 入年多悔。耕石不富。衡門屢空。使士失意。

訟 諸儒行賈。遠涉山阻。與旅爲市。不危不殆。利得。



十倍。

師 梁破橋壞。水深多畏。陳鄭之間。絕不得前。

比 雙鳧俱飛。以歸稻池。經涉萑澤。為矢所傷。損我

胸臆。

小畜 謾誕不成。信梁滅文。許人買牛。三夫爭之。失利

在時。公孫懷憂。

履 南國饑凶。民食糟糠。少子困捕。利無所得。

泰 狗吠非主。狼虎夜擾。驚我東西。不為家咎。

否 望龍無目。不見手足。入水求玉。失其所欲。

同人

以鹿為馬。欺誤其主。聞言不信。三口為咎。黃龍

三子中樂不殆。

大有

養幼新婚。未能出門。登宋望齊。不見太師。

謙

王孫貴子。相與為友。明允篤誠。升擢薦舉。

豫

山水暴怒。壞梁折柱。稽旅難行。留連愁苦。

隨

鸛鳩徙巢。西至平州。遭逢雷電。碎我茗蘆室家。

飢寒思吾故初。

蠱

登高傷軸。上阪弃粟。販鹽不利。市買折角。

臨

祝駝王孫。能事鬼神。節用綏民。衛國以存。眉壽

多年。

觀 九里十山。道卻峻難。牛馬不前。復反來還。還又作道

嗑 枯樹不花。空淵無魚。舊鳥飛翔。利奔我去。

賁 雄狐綏遺。登山崔嵬。昭告顯功。大福允興。

剝 啞啞笑言。與歡飲酒。長樂行觴。千秋起舞。拜受

大福。

復 大推破轂。長舌亂國。床第之言。三世不安。

无 男女合室。三姓同食。婚姻孔云。宜我孝孫。

大 千仞之墻。不得入門。金籠鍊疏。利以避兵。欲上



南阪。軸方不轉。還車復反。

頤

華言風語。自相註誤。終無凶事。安寧如故。

大過

汎汎栢舟。流行不休。耽耽寐寐。公懷大憂。仁不遇時。退隱窮居。

坎

大尾小頭。重不可搖。上弱下強。陰制其雄。

離

一身三口。語無所主。東西南北。迷惑失道。

恒

南行求福。與喜相得。封受上賞。鼎足輔國。

遯

過時不歸。雌雄苦悲。徘徊外國。與母分離。

大壯

堯舜在國。陰陽和德。涿聚衣裳。晉人無殃。

晉 周公之隆。越裳夷通。疾病多崇。鬼哭其公。狼子

野心。客宿不同。

明夷

申酉脫服。牛馬休息。君子以安。勞者得權。

家人

凱風無母。何恃何怙。幼孤弱子。爲人所苦。

睽

出門上堂。從容牖房。不失其常。天牢地戶。勞者

憂苦。

蹇

天厭周德。命與南國。以禮靜民。兵革休息。

解

堂桑折衡。佐鬪者傷。暴臣反國。良臣被殃。

損

合歡之國。嘉喜我福。東岳西山。朝齊成思。



益 耕石不生。弃禮無名。縫衣失針。襦袴不成。

夫 聾瞽闇育。跛倚不行。坐戶孚骸。身被大災。困其

多憂。

姤 生長太平。仁政流行。四方歸德。社稷康榮。

萃 桀跖竝處。民人愁苦。捕兵荷糧。戰於齊魯。合

得牢。姬姜竝居。

升 南與凶俱。破車失襦。西行無袴。亡其寶賂。

困 空曹注器。豚彘不至。張弓祝雞。雄父飛去。

井 望尚阿衡。太宰周公。藩屏湯武。立為王侯。

革 朝鮮之地。姬伯所保。宜家宜人。業處子孫。

鼎 息憂解笑。故貧今富。載樂履善。與福俱憂。疑作優

震 叔迎伯兄。遇巷在陽。君子季姬。竝坐鼓簧。

艮 順風縱火。艾芝俱亡。三官集房。一子中傷。

漸 駕車八里。求鮮魴鯉。非吾肆居。自令失市。君子

所在安無危殆。

歸妹 拔劍傷手。見敵不起。良臣無佐。困辱為苦。

豐 亂君之門。佐鬪傷跟。營私貪祿。身為悔殘。東下

泰山。見我所歡。

△旅

慈母望子遙思不已。久客外野使我心苦。

巽

魴生淮郤一轉為百。周流四海無有患惡。

淮郤又作

江

兌

甘露醴泉太平機關。仁德感應歲樂民安。

渙

采薇出車魚麗思初。上下役急君子免憂。

節

豕生魚魴鼠舞庭堂。雄佞施毒上下昏荒。君失

其邦。

中孚

三頭六目道畏難宿。寒苦之國利不可得。

小過

燕雀銜茅以生孚乳。昆弟六人權好孝悌各同。

易本

卷三

五



心願和悅相樂。

既濟

文君德義仁聖致福年無胎夭國富民實臥者

在室曾累益息。

未濟

秋梁未成無以至陳水深難涉使我不前。

恒之第三十二

恒

黃帝所生伏羲之宇兵刃不至利以居止。

乾

登墀踐足南行折角長夜之室不逢忠直。

坤

燕雀衰老悲鳴入海憂在不飾差池其羽頡頏

上下寡位獨處。

屯 關門除憂。伯自外來。切切之患。我心得歡。

蒙 郊耕擇耜。有所疑止。空虛無子。蒙昧不知。

需 張牙切齒。斷怒相視。禍起蕭牆。牽引吾子。患不

可解。憂驚吾母。

訟 履不容足。南山多棘。母出房閨。乃無病疾。

師 牛駢亡子。鳴於大野。申后陰微。還歸其母。

比 龍生于淵。因風昇天。章虎炳文。為禽敗軒。發蜺

溫谷。暮宿崑崙。終身無患。光精照耀。不被患難。

畜小 既嫁宜吉。出入無咎。三聖並居。國安無災。

履 北陸陽伏。不知黑白。君子傷讒。正害善人。

秦 一身兩頭。延適二家。亂不可治。

否 牝馬牡駒。歲孽不休。君子衣服。利得有餘。

同人 南行懷憂。破其金輿。安坐故廬。乃無殃患。

大有 憂人之患。履傷浮顏。爲身禍殘。篤心自守。與喜

相抱。

謙 咸陽辰巳。長安戌亥。止陵生心。非魚鱗市。可以

避水。終無凶咎。

豫 不知何孫。夜來扣門。我慎外寇。兵戎且來。



隨 昧且不明。日暗無光。喪滅失常。使我心傷。

蠱 江陰水側。舟楫破乏。狐不得南。豹无以北。雖欲

會盟。河水梁絕。

臨 神之在丑。逆破為咎。不利西南。商人休止。

觀 然諾不行。欺訟誤人。使我虛宿。夜歸溫室。神怒

不直。鬼繫無日。欲求福利。適反自賊。

噬 攘臂拯肘。怒不可止。狼戾復狠。無與為市。

賁 販馬買牛。會值空虛。利得甚少。皆連為憂。

剝 高樓陸處。以避風雨。深堂邃宇。君安其所。牝雞

之息。爲我利福。請求弗得。

復阿。循服箱。太乙載行。迺時歷舍。所求吉昌。

无妄。飛來之福。入我居室。以安吾國。

大畜。不孝之患。子孫爲殘。老耄莫養。獨坐空垣。

頤。南過棘門。駒裂我冠。斷衣傷襦。使君恨憂。

大過。重門射平。不知所定。質疑著龜。孰可避火。明神

答報。告以犧牲。宜利止居。

坎。麟麇鳳雛。安樂無憂。捕魚河海。利踰徒居。

離。新田宜粟。上農得穀。君子懷德。以千百祿。

咸。簪短帶長。出思苦窮。瘠蠶小瘦。以病之瘵。

遜。爭訟之門。不可與隣。出入有為。曼生我患。

壯大。朽根枯株。不生肌膚。病在心腸。日以焦枯。

晉。兩師娶婦。黃巖季女。成禮就婚。相呼南土。膏我

下土。年歲大茂。

明。夷。冬採薇蘭。地凍堅難。利走失北。暮無所得。

家。人。昧之東域。誤過虎邑。失我熟一作熊。羶饑無所食。

睽。日莫閉目。隨陽休息。箕子以之。乃受其福。舉事

多言必為悔殘。